

Lazar Prodanović

Pitanje postavljeno Ministarstvu pravde BiH i Visokom sudskom i tužilačkom vijeću BiH:

“Zanima me koji su razlozi rukovodili Visoko sudsko i tužilačko vijeće BiH da u godišnjem izvještaju za 2010. godinu navode, u nekoliko navrata, u pogledu pravosudne strukture i pravosudnih institucija u RS-u okrug Banja Luka, okrug Doboje, okrug Bijeljina, okrug Istočno Sarajevo, okrug Trebinje?

Želim da vas upozorim da to ne odgovara ni zakonskoj, ni ustavnoj strukturi pravosudnih institucija u RS-u. Dakle, u RS-u postoje okružni sudovi u Banjoj Luci kao i Okružni privredni sud u Banjoj Luci i osnovni sudovi, dakle, osnovni sudovi na području RS-a. Postoji Okružni sud u Doboju, također Okružni privredni sud, također u Bijeljini, a na isti način uspostavljene su pravosudne institucije u Istočnom Sarajevu i Trebinju. Ne mogu da vjerujem da ovako ozbiljna institucija na nekoliko svojih tabela ponavlja da su to okruzi. Koji su razlozi da se navodi okrug, pošto u RS-u, dakle, ne postoji nikakav regionalni način organiziranja kojim bi se klasificirale pravosudne institucije po okruzima, već na način kako sam prethodno rekao? I ko zbog ovakvog načina pravljenja ozbiljnog izvještaja, koji mi danas razmatramo, koristi ovako nepravilne nazive? S obzirom da se radi o pravosudnoj instituciji, mislim da je to nedopustiv propust.”